

Sanjog Movie

"Woh Bhooli Dastaan"

Visit "[Woh Bhooli Dastaan](#)" on MotoLyrics.com

Song By LATA MANGESHKAR

Woh bhooli dastaan lo phir yaad aa gayi -2

Nazar ke saamne ghata si chhaa gayi -2

Woh bhooli dastaan lo phir yaad aa gayi

Kahan se phir chale aaye, yeh kuchh bhatke hue saaye

Yeh kuchh bhoole hue nagme, jo mere pyaar ne gaye

Yeh kuchh bhichhdi hui yaadein, yeh kuchh toote hue

sapne

Paraaye ho gaye to kya, kabhi yeh bhi to the apne

Na jaane inse kyun milkar, nazar sharma gayi

Woh bhooli dastaan lo phir yaad aa gayi

Ummeedon ke haseen mele, tamannaaon ke woh rele

Nigaahon ne nigaahon se, ajab kuchh khel the khele

Hawa mein zulf lehrayi, nazar pe bekhudi chhaai

Khule the dil ke darwaaze, mohabbat bhi chali aayi

Tamannaaon ki duniya par, jawaani chhaa gayi

Woh bhooli dastaan lo phir yaad aa gayi

Bade rangeen zamaane the, taraane hi taraane the

Magar ab poochhta hai dil, woh din the yaa fasaane the

Faqat ik yaad hai baaki, bas ik fariyaad hai baaki

Woh khusiyan loot gayi lekin, dil-ye-barbaad hai baaki

Kahan the zindagi meri, kahan par aa gayi

Woh bhooli dastaan lo phir yaad aa gayi

Nazar ke saamne ghata si chhaa gayi -2

Woh bhooli dastaan lo phir yaad aa gayi..

Visit [Sanjog Movie](#) page on MotoLyrics.com, to get more lyrics and videos.